



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ავტოსამოდელო სპორტი

ავტოსამოდელო სპორტი, ტექნიკური სპორტის სახეობა, ავტომობილის მოდელების აგება და საგანგებო ტრასებზე გამოცდა. ა. ს. ევროპაში დაინერგა XX ს. 40-იან წლებში, ყოფ. სსრკ-ში - 1956. 1957-იდან ყოველწლიურად ეწყობოდა საკავშ. შეჯიბრებები, 1964-იდან - მოსწავლეთა საკავშ. შეჯიბრებებიც. საქართველოში ა. ს-ის განვითარება 60-იანი წლებიდან დაიწყო. ამ საქმეში დიდი წვლილი მიუძღვის დ. ხურცილავას, თბილ. ავტოსკოლის ყოფილ ინსტრუქტორს, რ-იც საქართველოში ა. ს-ის პიონერად ითვლება. პირველი სსრკ სპორტის ოსტატი გახდა ზ. ზურაბიშვილი. პირველი მოდელი - ასლები „ვოლგა M-21“ და ტრალერი „კოლხიდა“ 60-იან წლებში დაამზადა სპორტსმენმა ა. ჟაბინმა (თბილისი). 1974 რადიომართული მოდელების კლასში სსრკ ჩემპიონი გახდა დ. ჩხაიძე.

1985 სსრკ ჩემპიონატში საქართვე. ნაკრები გუნდის სპორტსმენებმა 4 ოქროს, 2 ვერცხლისა და 1 ბრინჯაოს მედალი მოიპოვეს. 1987 თბილ. საერთაშ. შეჯიბრებაში იმ 10 მედლიდან, რ-ითაც სსრკ ნაკრები გუნდი დაჯილდოვდა, 5 საქართვე. სპორტსმენებს ხვდათ წილად. საქართვე. ა. ს-ის წამყვანი სპორტსმენები არიან თ. ლატარია (საქართვე. დამს. მწვრთნელი), პ. შარიპაშვილი, დ. ჩხაიძე, ო. სტარინინი,

ვ. წიქორიძე, ა. გალუსტიანი და ბ. შუმანი.

თ. ლატარია
